

مجموعه-۱

ب . چای اوغلو

ح . دوزگون

ح . ساهر

ع . صلاحی

ق . قافلانتی

آذربایجان یازچیلار هییتی طرفیندن نشر اولونور

کتابخروشی شبتاب



مجموعه ۱ -

نشر شبتاب ، خیابان قوام ، کوچه کاوه ، شماره ۱۷

تهران ، ۱۳۵۷

شماره ثبت $\frac{۸۲۱}{۵۷/۹/۲۰}$

یاندیر یلان کتابلار (مقدمه یئرینه)

۶

۱۰-۳۵

ب ، چای اوغلو

۱۰

ماوی گوئلر

۱۱

سسیمه سس وئریر منیم

۱۵

سازیم منلن دانیشیر

۲۴

شیاد قالاسی

۲۷

خالچا

۳۰

یئددی قارداشلار

۳۲

انسانین ابدی ایشینی

۳۴

یئرلی ادعا

۳۸-۶۳

حسین دوزگون

۳۸

یاشاریم منیم

۴۰

اوغول

۴۲

اوچنون داخما

۴۴

اویاغی

۴۵

اصلاحات

۴۶	گندلی قیز
۵۰	قایتارارام
۵۱	(بهروز حقی منظومه سیندن بیر پارچا)
۵۳	فخریه
۵۶	بلوچ قارداش
۵۸	گندلی لرین اوخومالاری

۶۴-۸۳

حبیب ساهر
=====

۶۴	آجیرام
۶۶	آ۱۰۷ رنکلی بایراق
۶۷	دان یئری
۶۹	آنالار گونو
۷۱	صبیرداشی
۷۲	کاروان یوللانیر
۷۴	ایکی یول
۷۶	آه !
۷۷	یئر سوودو
۷۸	باچ وئرمز تبریز
۷۹	آیین دفترینده یازیلار

عمران صلاحی

=====

۸۴

آغ بوغ قهرمان

۸۶

آرشین مالالان

۸۷

زهر تولوغو

۸۸

لیلا ننه

۹۲

چیلله

۹۵

قیزیل گول

۹۶

لیلا ننه نین یوخوسو

۹۸

قوجا حیب

قافلانتی

=====

۱۰۰

جشغون آرازام!

۱۰۳

آنا تبریزیم

۱۰۵

شاعیر حسین دوزگونون شعرینه جواب

۱۱۱

ائللریمه آرخالانیم

۱۱۳

چالیش قافلانتی ایله حریتینه

۱۱۵

ائل پئشه سی

مقدمه یثربینه

یاندیریا لان کتابلار

جلاد سینن قلاق- قلاق یاندیردیغین او کتابلار

مین کمالین شهرتیدیر ، مین اوره گین آرزوسو .

بیز کوچریک بو دونیادان ، اونلار قالار یادگار .

هر واراغا نقش اولونموش نئچه انسان دویغوسو .

مین کمالین شهرتیدیر ، مین اوره گین آرزوسو .

یاندیردیغین او کتابلار ، آلوانیر ، یا خشی باخ !

او آلولار شعله چکیب شفق سالیب ظلمته .

شاعیر لرین نجیب روحو مزاریندان قالخاراق ،

آلفیش دئیر عشقی بویوک بیر قهرمان ملته .

او آلولار شعله چکیب شفق سالیب ظلمته .

جلاد منیم دلیمده دیر بایاتیلار ، قوشمالار .

ده اونلاری هئج دویدمو سنین او داش اوره گین ؟

هر گرایلی پرده سینده مین آنانین قلبی وار

هر شکسته اولادی دیر بیر مقدس دیلگین .

ده اونلاری هئج دویدمو سنین اوداش اوره گین ؟

سویله سنی خور باخیرسان منیم شعر دیلیمه؟
 قوجا شرقین شهرتی دیر فضولی نین غزلی .
 سنی " ترک خر " دئییرسن اولوسوما ائلیمه؟
 داهی لره سود وئرمیشدی آذربایجان گوزهلی .
 قوجا شرقین شهرتیدیر فضولی نین غزلی .

جلاد! یانیب اود اولسادا کوله دوءنموش آرزولار،
 طبیعتین آنا قلبی قول دو غمامیش انسانی
 هر اوره گین ثور دونیاسی بیر سعادت آرزیلار
 قانلاریله یازیلیمیشدیر هر آزادلیق دستانی .
 طبیعتین آنا قلبی قول دو غمامیش انسانی .

ازل باشند دو شمانیمدیر ئوزو موردار قارانلیق
 هر تورپاغین ئوز عشقی وار، هر ملتین ئوز آدی
 کایناتا دگیشرم شهرتیمی بیر آنلیق
 منم اودلار ئولکهسی نین گونش دونلو اولادی
 هر تورپاغین ئوز عشقی وار، هر ملتین ئوز آدی .

ندیر او دار آغاجلاری ؟ ده کیمدیله آسیلانلار
 اویو نجا قمی گلیر سنه وطنیمین حق سسی ؟

دایان ! دایان ! اویاق گزیر هر اوره کده بیر اصلان
بوغازیندان یاپیشاجاق اونون قادر پنجهسی ...

جلاد ! نسیمی دیر قیردیریرسان حروفیلر نسلینی
ملتیم صاف قانی دیر قورد کیمی ایچدیگین قان
زaman گلیب ، من دوپورام اونون آیاق سسینی
شهید لرین قیام روحو یاپیشاجاق یاخاندان
ملتیمین صاف قانی دیر قورد کیمی ایچدیگین قان .

بیر واراqlا تاریخلری ، اوتان منیم قارشیمدا
آنام طومروس کسمهدیمی کیخسروون باشینی ؟
کوراوغلونون ستارخانین چلنگی وار باشیمدا
نسیلیریم قویما یاجاق داش اوستونده داشینی .
آنام طومروس کسمهدیمی کیخسروون باشینی ؟

سور آتینی دورد نالا چال ، میدان سنیدیر آنجاق
من گورورم آل گئینیب گلن باهار فصلینی
قوجا شرقین گونشیدیر یاراتدیغیم بو تورپاق
من بیغیردیم آل بایراقلی انقلابلار نسلینی
من گورورم آل گئینیب گلن باهار فصلینی .

۱۰	ماوی گوۋ زلر
۱۱	سسیمه سس وثریر منیم
۱۵	سازیم منلن دانیشیر
۲۴	شیاد قالاسی
۲۷	خالچا
۳۰	یئددی قارداشلار
۳۲	انسانین ابدی ایشیفی
۳۴	یئرلی ادعا

ماوی گوئلر

ماوی گوئلر، خمار باخیش یئنه دوشدی یادیما،
 عشق آتشی، هجران داغی اودجالادی قانیما.
 گل آی دلبر بیر رحم ائيله من عاشیفین حالینا
 آلیشمیشام یانیرام، گل .
 هجران دردین قانیرام، گل .

باهار چاغی گوللر بزر چوئل چمنین بویونو،
 یازدا ائلر باشلیارلار قیز اوغلانین تویونو.
 سوری داغدان اندوشه قیزلار ساغار قویونو.
 منیم قویونوم هاردادی؟
 اولمییا داغدا داردادی؟

گون باتاندا چوئلر سوسار، داغلار قارابورونر،
 قیش گلنده، بولبول کوسر، باغلار قارابورونر .
 چوغون دوشر زیروه لرده کاروان قارابورونر،

قورد سورونون دالیسیجا آستا-آستا سورونر .
 قویونومو قورد آپاردی ،
 ظالم قلبیمی قوپارتیری .

سسیمه سس وئیرمنیم

سسیمه سس وئیر منیم -

بوتون ائلر ،

یاشیل چوللر ،

خوش نغمه لی -

سازدا تللر ،

گوزل اوزلو-

شیرین دیلر .

هارایدان - هارای آلیرام .

اغلین قوینونا دالیرام .

اونلاردان الهام آلیرام ،

سازیم ایلن -

سوءزوم ایلن -

اوره کلره اودجالیرام -

دونیا وارکن یاشاییرام .
 ائله گوره یاشایانی -
 دریاتک دولوب داشانی ،
 "سهند" ی . ساوالانی .
 وطنیم آذربایجانی
 قارداش واللاه آتانییرام

اونسوز راحت یاتانییرام

منیم یوردوم آذربایجان ،
 داغلارینین اوره‌گی قان ،
 جیرانلار اویناقی "مغان"
 اینان ، بوسوزومه اینان .
 دویابیلمز سندن بالان -
 آی ساوالان -
 آی ساوالان -
 آی ظالمردن
 باج آلان ،

آرخایین اول مندن ساری ،
 گل - چیچکدن دویماز آری

منم - بیرده چای قیراغی
 داشلار پندان -
 قوملاریندان -
 سوز آچیرام ،
 گئچمیشیندن آلہام آلیب ،
 گلہجگہ یول آچیرام ،
 اورہ کلرہ -
 دیلک لرہ -
 نور ساچیرام .
 نہ قدر منی ازسہلر
 توتوب دیلیمی کسسہلر
 قانیمی ناحق توکسسہلر
 ال چکرم ، باغیرارام
 ائل اوبامی چاغیرارام
 قانیمدان بیتر لالہ لر -
 اودلو دیلکلی نالہ لر
 من ساوالان بالاسیام
 اورہ کی قانلی ساوالان
 باشی طوفانلی ساوالان

چشمه لی - چاپلی ساوالان

قوری گولون بیر آیناتک -

افقلره ایشیق جالیر ،

ئولکمه یاراشیق سالیر

اوره کلره -

دیپک لره -

سیوینج قالیر .

آی کولکدن قاجمیش یاشیل باش سونا ،

چیلپاق یووا تیکن جانبوا قوربان

نازلانا - نازلانا ، بوئیوک ووقارلا ،

قلم قاشلی ، خمار باخشینا قوربان

بیلیم هارالاردان کوءچوب گلیرسیز ،

کولکلی گویلری سوکوب گلیرسیز ،

ایلقاریزی " قوری گوله " الیرسیز ،

سرپیین - سرپیین بیر یوماق کیمی

باسین " قوری گولون " بورلوغانینا -

بلکه راحت " قوری گولده " اوزه سیز -

سونرا قالخیب ساوالاندا گزه سیز .

من ائل عاشیقیا - ائل شاعیر بیم ،
 آدیم " چای اوغلو " دور الیمده سازیم ،
 یوردوم آذربایجان اودلار دیاری ،
 اودورکی اودلودور منیم آوازیم .

سازیم منلن دانیشیر

- ۱ -

گنجه گوندوز -
 سازیم منلن دانیشیر ،
 بیر ووقارلی شکیل کیمی -
 بیر محتشم هیکل بیسی -
 اوتاغیما بزک وئریر .
 هریره ایستیرم گندم -
 سازیم مندن قاباق قاچیر ،
 قارانلیقدا ، اویولوما ایشیق ساچیر
 دیندیرنده ، باشقا عالمدن سوز آچیر ،
 بیر عالم کی ، نه کدروار ، نه نفرت وار ،
 اورا ایستک عالمیدیر ،
 سازیم محبت داغیدیر ،
 سئویب ، سئویلمک داغیدیر ،

آل الوان چیچک باغیدیر .

قوربان کسیم سنه سازیم ،
 آی منیم باهاریم یازیم
 آچ قلبیندن دیله‌گینی
 آلوانمیش اوره گینی
 سویله قوی دویغوم یوکلسین -
 بوخته جانیم دینجلسین .

هامی یاتیب ، ینه‌ده‌سن پیچیلدیرسان ،
 قارانلیقا ، دیشلمریوی قیجیردیرسان ،
 گاه سویوقدان ، گاه تکلیکدن ، سیزیلدیرسان ،
 لاییق سان باسیم سنی باغریما -
 یالیز سنسن درمان ، کونول آغریما .
 تئلترین چکیلیب دارا -
 سینمه کی آهیم کیمی ،
 باخیرام سنده و وقارا -
 ائلیمده کی جاهیم کیمی
 گل دانیشاق -
 گل قاریشاق -

گل چالیشاق -

دیپیر سازیم ،

خوش آوازیم .

یالقیزلیقدان سسیم باتیب ،

زخمه لر . کونلومده یاتیب ،

ایستی باغری منی آتیب ،

گل قیز یشاق -

دیپیر سازیم ،

من زخمه لر دیریسیم -

دردبورویور منی اونسوز ،

اونسوز -

سونسوز .

قوی یاییلسین ؤولکه لر ، سسیمیز

سوووماسین بوایستی نفسیمیز

لپه درپایا گر کدیر ،

زخمه لر منه دیلکدیر ،

سسیم چیرپینان اوره کدیر .

گل دانیشاق -

گل دانیشاق ،

دپيرلر كي ، " دردلي دئينگن اولار"
 دپيلمهسه دردلر اوره كي اويار ،
 منده دردلي -
 سنده دردلي
 گل قونوشاق -
 گل قوووشاق .
 اوبيرانسان كيمي منلن دانيشيز -
 تكي بير صاف انسان -
 قلبى شغفاف انسان -
 نه اوره كده كدهرى -
 نه سوءزونده اومماسى ،
 يالان گلمز ديلينه ،
 وار سوءزون معناسى .
 اواغللرين شيرين ديلي ،
 مرد ايگيدلره سئوكيلى ،
 ائل باغينين قيزيل گولو ،
 قفسده شيدا بولبولى .
 اويوخسولارين داياغى
 دردلردن دولوچاناغى
 يورولماز عاشيق آياغى

اوخوراو بولبول ساياغی

اوبیر انسان کیمی آنیر

منیم دیله گیمی قانیر

بالقیزلیقدان جانا گلیب

بولبول تک فغانا گلیب ،

اواثلرین هارای سسی

خان چوبانی - سارای سسی

توکنمز عاشیق نفسی

آیریلیق کونلونو اذیب ،

اوبوتون ائلری گزیب .

دنیاویو درده دوزوشوب

مین بیر اودلارا آلیشیب ،

هر جور دردلره قاریشیب

بالدان شیرین سوز دانیشیب

گاه کوسوب - گاهدان باریشیب

شادلیق یولوندا چالیشیب .

آی منیم یولداشیم سازیم ،

آی منیم سیرداشیم یازیم ،

سینه وی ناله لر داغلار ،

داغلاردا لاله لر آغلار
 خبر آلسا اوجا داغلار
 قوجا باغلار-
 ايگيد مهربانيم هاني ؟
 نه دييم کيمي چاغيريم ،
 داغلاردا - داشدا باغيريم .
 سوءزونده بوخدو هئج يالان ،
 بوش سوءز اوسده داعواسالان -
 دگيل منيم تثللي سازيم ،
 ديبيير منيم حاللي سازيم ،
 اودلو ديلکلي ناله لر
 من ساوالان بالاسييام
 اوره کي قانلي ساوالان
 باشي طوفانلي ساوالان

گنجه جکدن

گله جکدن

آی منیم ایستکلی یاریم ، خوش آوازیم -

کیملر سن ایله اگله شیب ؟

کیملر سن ایله دردله شیب ؟

هاچان سن حالا گل میسن ؟

بیزیم ما حالا گل میسن ؟

سئوگیلی آنا یوردوما

دیدیلیمیش شانا یوردوما

بوپانمیش اودلارا یوردوما

قودوز جلالدلار الیندن -

دایانمیش جانا یوردوما .

کیم سنی دیله گتیریب ،

بوئیوک تله پیئتیریب ،

سوسما دانیش .

کوسمه بارپیش

آی سینه سی یا نیق سازیم ،

درده وئرن قانیق سازیم

سوئیله منه دردین نه دیر -

سیر رین نه دیر ؟

هیچقردی آغلادی نئیلیم ؟
 کونلومو داغلادی نئیلیم ؟
 تللرینی یولا- یولا ،
 اوره گیمین تلین یولدی ،
 کونلومده شادلیغیم سولدی ،
 بپردن سازیم باغیردی
 کوراوغلونو چاغیردی
 آیریلیقدا سارالدی
 تئللرینی قارآلدی
 آیریلیق آمان آیریلیق
 هر درددن یامان آیریلیق
 دئدی - دئدی - بپردن سوسدی
 چاناقدا باغری چاتلادی -
 شیشدی دریسی پاتلادی ،
 دئمه سازیم مندن کوسدی ،
 یوخ - یوخ یینه فکره دالدی .
 اوزماندان بری اولو عاشیقلار
 آیریلیق ماهنسنین سازلاراسالدی
 آیریلیق - آیریلیق ، آمان آیریلیق
 هر بیر درددن اولار یامان آیریلیق .

هجران اودونا يانديم ،
 درددن جانا دايانديم ،
 داهي جانان اوسانديم ،
 ياريم گئتي اليمدن
 جانيم گئتي الميدن
 . سينه مي يانديردى قارا آيريليقي .
 ، نفسيمي چكدي دارا آيريليقي ،
 ، گتيريبيدي مني زارا آيريليقي ،
 . تاپيلماز بودرده چارا آيريليقي ؟ .
 . بوينو سينميش اوزو قارا آيريليقي .
 . منيم تك ياناسان سنده آيريليقي .
 . جانان اوساناسان سنده آيريليقي .
 . " چاي اوغلونون " سازى زار زار آغلايير .
 ، آغلاديقجا اوره كلري داغلاييري ،
 ياريندان اولالى قارا باغلايير
 ديدرگين ايلهدي آيريليقي مني -
 گوروم كور اولاسان آيريليقي سني -
 منده - سنده ياردان اولدوق -
 ، پائيز يارپاقي تك سولدوق ،
 ياريندان اوزاق اولانى

مجنون تک یالقیز دولانی ،
 سینه سینی دارارنفس -
 سیخار کونلونو دار قفس .

" شاید " قالاسی

خبر شهری قاپسا بییب .
 گزیر آغیزدان آغیزا .
 بوردابیر قالا تیکله جک
 بیر قالاکی -
 کیمسه گورمویوب تاییین !
 انی بویوندان اوجا ،
 بویو انیندن !
 باشی قارقایاتاغی
 اتگی اود اجاغی
 دییی تولکو اوتاغی !

هره بیر یئره یوروپور
 هامی بیر بیرین قوروپور
 بوقالا شاه قالاسی

اثل قانی، آه قالاسی

جارچیلار - جارلا ییرلار

افتخارلا بیزدن قالسین گله جگه یادگار

تاریخلرده یازیلسین

شکلی بوتون کتابلاردا قازیلسین

گلین همت ایله یین

باشا وئرکه قالانی!

سحر تئزدن بوتون شه هره -

اضطرابلا ، یولادوشدو ،

بیرینجی گون -

آتالار اوشاقلارینین

آیاق بارماقلارینین ،

سون گون آیاقلارینین

اوچونجی گون ایسدی - ایسدی قانلارینین .

هفته باشا چاتمادی -

بوتون کئندن - شه هردن

ماشین - ماشین ال آیاق باش گتیر دیلر ،

بیر آی اولا ، اولمویا۔

قالانی باشا یئتیر دیلر .

بوقالا شاه قالاسی

اغل قانی ، آه قالاسی !

ايله کی . باشا چاتدی ،

بوتون سس سمیر باتدی .

قانلی قالا باغیریدی

عصیان - عصیان چاغیر یردی .

آیلار گنچدی ، ایل قورتاردی

قالادان سس کسیمله دی .

دئوره سینده ناھال قالخدی

دیپلرینه گنجه کوندوز -

سویشرینه ، قانلار آخدی ،

ایله کی باھار یئتیردی

قارا قارا گوللر آچدیلار

چوخ گنجمه دی -

گوللر سولدو

آغاجلار میوه یه دولدو

هر شاخه ده مینلر جه گوز -

مینلرجه سوعز
 ساییز قوللار
 ساییز باشلار
 ایله کی ریشه آتدیلار
 قانلی قالایا چاتدیلار
 دارما داغین ایله یوب
 شاه قالاسین داغیتدیلار

خالچا

نییه صف با غلاییب باخیر سیزمنه
 قانلارین رنگیدیر بو یوب منی .
 اینجه بارماقلارلا ، مظلوم بالالار
 گئجهلر یاتما ییب توخویوب منی .

دردیمی دشمه بین داغیلین گئدین
 آلیشیب یانیرام سبب کاریم
 حسرتلی گوزلردی قوینومدا یاتان
 دئییب فخراتمه بین صنعت کاریم

سویوق زیرزمیده نازیک بیلکلر -

هله ده قلبیمه دفه دویورلر ،
 آنیمداکی رنگیم بارماق قانیدیر
 ریه دئییب توخوجومو سویورلر !

ایستیرسیز ئوزومو تانیدام سیزه -
 گئدک کارخانیا ، اجاق باشینا
 اوشاقلار اوخوسون غملی سوز لرین
 آلاق دفترلرین باخاق یاشینا

بئش یاشیندا قیزلار ، تازا گلینلر -
 صبح اذانی شیرین یوخو چاغیندا
 دیسگیدیر یوخودان قاپنین سسی
 اوشاقلار دوزولوب قاپو دالیندا

بیری فیشقا چالیر ، بیری باغیریر
 هامیسی بیرله شیب علی چاغیریر
 بیری ناهارینی سوخور جیبینه
 ایتلری قوغورلار در بند دیبینه .

آنا عشق اجاقی - محبت داغی
 بیرالینده دستمال ، بیرالده چورهک

آغار میش ساچلارلا ، قانلی گوزلرله
باغلايير دستمالا بيرالجه چورهک

بودور آغزالماسی بودور ناهاری
گیجلدیر باشیمی اذانین سسی
آیاخلین. بالالار تریان قاچیرلار
بیرتیر قولاغیمی اربابین سسی .

دزگاهین باشیندا خیردا بالالار
اوزلرین چئویریب قوغورلارمنی
کیفسه میش هاوادا ، قانلی پیچاقلار
ایلمه کین ایچینده بوغورلارمنی

آچیلنن داغیلین قانلی دوگونلر-
سورمایین قانیمی ظالم ذالیلار
چوروون توءکولون دار آغاجلاری
بوغمایین سسیمی ظالم قالیلار

باغلی پنجهرییه پرده سالغایین
اویارام داملاری باخارام گونه

ئورتىمە يېىن قاپلارى كورقوش دگىلم
 آچارام ، قاچارم ، چاتارام كونه

يئددى قارداشلار

اوتاغىمدا يئددى سازوار

يئددى قارداش -

گوۈزل سىر داش

خوش آواز وار

هره سىندە بىرجور نازوار

هر بىر يىنىن بىر آدى وار

بىر دادى وار

بىرى قوچاق نى -

بىرى كوراوغلو

بىرى هجر خانىم

بىرى نسىمى

نگار تىللىرىندىن چكىلىپ دارا

آداشىم بابكده باخ سن ووقارا

باخىن بىر "بىروز" دا اولان ايلغارا

بولبول تک گل اوسته چکدیلر دارا

جوردانو بورونو

دوشدو یادیما

نسیمی اوبوءیوک مهربان انسان

سوءزوندن دوءنمهین قهرمان انسان

دیری - دیری دریسینی سویدولار

ظالیملر زالوتک قانین سوردولار

آناسینی یامان ملر قویدولار .

اوتاغیمدا یئددی قارداشلار یاتیب

یئددی سیرداشلار تاتیب

هربیری بیر گونش تک

اوتاغیما نور ساچیپ .

ساباح کنسرت وئره جکلر .

بتهووندن بشینجی سمفونوسون

اوزئییردن کور اوغلسون

پیرده سئوگیلی آنا یوردوم

آذربایجان ماهنیسین !

انسانین ابدی ایشیقی

نه قدر گئجه اوزن اولسا -

ینه سحر آچیلجاجاق

نه قدر افق توتغون اولسا -

بیلیرم کی صباح تئزدن

دان یئرینی سوکه جکدیر

گوزل بیر گون ،

ایله گون کی

مه توتانماز اونون ثوتون ،

ایشیقی صاف -

داهی شفاف

بیلیرم کی افق چاتیب کوره گینده گتیریری منه سحر،

بوناگوره قینامیرام

افقی من سینامیرام ،

من انسانام -

ابدی بیر دیلهگیم وار،

گونش کیمی اوره گیم وار،

سحر مندن دوغا جاقدیر،

قارانلیغی بوغاجاقدیر ،
 من چاتمیشام کوره گیمه گووزل سحر
 آنجاق کی دورمایا جاغام
 اوره گیمین ایشینی ایله -
 ایشیقلا دیب دهره لری ،
 قالخا جاغام اوجالاردان - اوجالارا
 کائناتا ایشیق ساچام
 مرادیمین آتین مینیب چیلپاق چاپام
 بیلیرم کی اگر دورسام دوناجاغام
 تز پشمه سم ،
 لشخورلارین ، اللرینده قالا جاغام
 بوناگوره -
 سارسیدانماز افق منی
 من انسانام ،
 ساباح تتردن ،
 دان یئرینی چاپا جاغام
 من سحرم آچا جاغام
 من سحرم آچا جاغام

یئرلی ادعا

من دئمیرم آذر دیلی فارس دیلیندن شیریندیر،
 شیرین قالسین ساوالانین بالینا ،
 جیران باخیش قیزلار ینین -
 یاناقداکي خالینا .
 آنجاق حاقلیام سوئلویم .
 بو دیل آنا دیلیمدیر .

من دئمیرم آذر ائلی بوتون ائللردن باشدی
 گوئلری چاتماقاشدی .
 انسانلیقدا بوسوئز یوخدی ،
 یئراوزوونده چاتماقاش ، آلاگوز چوخدی .
 ازل گوندن انسان دئمک بیر بیرینه قارداشدی
 خوش گونلرده یولداشدی ،
 یامان گونده سیرداشدی
 آنجاق او یئرده کی زور حقه دونور
 دوز سوز یالانا چونور
 گوجلو - گوجسوزو باسیر

توتوب ديليندن آسير
 منى - سنى توولاماغا
 اووچو اووى اوولاماغا
 اوتوروب اوزون بزير،
 دوشوب يوردومدا گزير
 اوندامن باغيراجاغام
 ائليمى چاغيرا جاغام
 دييم ائلر آييق گزين
 بيربيريزدن هاييق گزين
 من دئميرم آذربايجان اوجاداغلار يوردودو
 قوجا باغلار يوردودو
 هر ئولكه نين دهرهسى وار داغى وار
 باخچاسى وار باغى وار
 باغلارينين آجى شيرين -
 بادامى وار، نارى وار .
 آنجاق بونو دئمه ليم .
 اوجاسله
 بير نفسله -
 قارانلىق گئجه ده ، قاردا بوراندا ،
 زيروه لرده شاختا آدام قيراندا ،
 تولكو ائواچينده آدام جيراندا ،

" بابکین " قلا سین یادینا سالسان ،
 " نی " نی - " روشنی " هجری انسان ،
 سنده منیم کیمی ائلیوه یانسان
 ساباحین وارلیغین قارداش اینانسان
 نسیمی تک حق اوستونده دایانسان
 وطن حسرتی ایله آلیشیب یانسان
 انسانین ابدی دیله گین قانسان
 خالقیندان - یوردوندان سن الهام آلسان
 قهرمان ائلیوین قوینونا دالسان
 شانلی تاریخینه بیر نظر سالسان .
 اوندا منیم سوزلریمی قانارسان .
 داهی قارداش سن منی آز قینارسان .
 آذری یوردومون بایقوبالاسی
 بوسوؤزو سازیمین دیلیندن ائشید ،
 بوتون وارلییمی سندن آلمیشام
 گئجه لر عشقیندن یاتانامیشام
 کون به کون اوجالیر سازیمین سسی
 خالقیمین سینه سی . سازین قفسی
 یورو لماسین چای اوغلونون نفسی
 خالقین ایستکلرین سازیندا چالسین
 کون به کون ائلینین باشین اوجاتسین

۳۸	یاشاریم منیم
۴۰	اوغول
۴۲	اوچغون داخما
۴۴	اویاغی
۴۵	اصلاحات
۴۶	گندلی قیز
۵۰	قایتارارام
۵۱	(بهروز حقی منظومه سیندن بیرپارچا)
۵۳	فخریه
۵۶	بلوچ قارداش
۵۸	گندلی لرین اوخومالاری

ياشاريم منيم

اوميدلر ييغناغي ، آرزو بئشيگي ،
خوش گلدين دونيايا ياشاريم منيم .
وطنين بو آغير قانلي آييندا
چاتار سانمي هايا ياشاريم منيم ؟

قوي بوتون آنالار اوغول دو غاندا
اوميدلرله دولو " ياشار " سويله سين .
قهرمان او غلونو اونودوماز وطن ،
گلجک سنيغدير آياشار ، سنين .

گلجکله منيم اوزن ايللردير
وار يمدير بير قيزيل عهد و پيمانيم .
قانيلا يازميشام کونلوم اوجوندا

نیسگیلیم ، آمانیم ، کوئلوم ، ایمانیم .

من ئولرسمده ، سن آیاق باس گیلن
قانلی قیزیل آیاق گوئل گوئل تبریزه ،
قاریش به قاریش گز دولان وطنی
گل سنده عاشیق اول ازل تبریزه .

قوی قابارلی اللر ، پولاد بیلکلر
سنی سلاملا سین " عشق اولسون " دئییه .
تانکیوین آلتیندا ازیلسین شاهلار
تاریخین ئونونده باش ائییه - ائییه .

ای منیم فیدایی آرزولو اوغلوم
سنده اوختایلارین عنادین گوئلروم .
آتان کور یاشاییب ، کوراوغلو بالام
یاشاسین ایلرله بو آدین گوئلروم .

سنین نسلین اوغلوم ، گوئلزون آچاندا
کتاب اوخویاجاق آنا دیلینده ،
آل بایراق ارکده هاوالاناندا

سیتم قالمایا جاق وطن ائلینده .

نیسگیللی اءوره کلر آرزوسو اوغلوم

منیم شعریم ، منیم کونلوم دادیسان .

بو گونش ، بو هاوا بو یئر سنیندیر

آتاوین آناوین سن مورادیسان .

تهران ، ۱۶ آذر ۱۳۵۶

اوغول

آنام منی اءلرله

" قیزیل سو" یا وئله یییدیر .

- بورا اولسون وطن .

دئییب .

ئوز گوموشو تئلرله

پای واختیندا یئلله یییدیر ،

ءوره کیمی ساکیت ائدیپ .

قیز مار اودلا بئشیگیمده لایلا دییب نغمه قوشوب ،

الیب منی قوجاغینا ، دنیز کیمی داشیب جوشوب .

من آنامین آغیر - آغیر

گونلرینی قارالتمیشام ،

گوئه زله دیگی قوچ اولموشام .

آغ باش آنا اولما فاغیر ،

خلقیم ایچون جان آتمیشام ،

سانما هله یورولموشام .

من یئنیدن قایتارارام سنین باهار یاشلارینی

قویمارام کی دو یون وورسون بیرده چاتما قاشلارینی .

قیرمیز رنگله ، ازل گوندن

قیر یلمايان اولفتیم وار ،

اودور ایندی اودلو گونم .

دانیشمایین محبتدن

نامرد یادا نفرتیم وار ،

حاقلیام کی من ثویونم .

ءالريمده گوپه قالخان خیردا- خیردا بو مشعلر
امپریالیز مین باغرینا سوئه که - سوئه که ائدمر سفر.

دئینه یادا آگاه اولسون ،

ءوره گیمدن قالخان آتش

آغجا کوله دوئمیه جک

قولاعینا دئینه آلسین .

بوردا اولان پارلاق گونش

سوئمیه جک ، سوئمیه جک .

دونون بیغیب گئده جکدیر اودیوردوندان چیرکین ظلمت
اغلر اونا بسلیه جک همیشه لیک درین نفرت ...

۱۵ خرداد ۴۷

اوچغون داخما

تاریخین ایپلنمیش صحیفه سینده
 اسیریک آی آمان .
 شیطان تورو تکی یان - یوئه میزی
 بورویوبدور دومان .

اۛرییر اوشاقلار بیر پارچا بوز تک
 گل بیرجه دایان .
 گولونج ائپله بیرلر ایستگیمیزی
 آتش آج ! اویان !

چک باشیوا ائلین قیزیل مئیینی
 آلدانما تاتلارا
 اونودما وئرانا اوچغون داخماوی
 قوشولما یادلارا .
 اوغورلار ،
 دور فیشقیرت اۛمجکلرینی

یاد یوردا سرپله تمیز سودونو ،
 بیتسین اوردا یئنه اودلو چیچکلر

مهرآبی ۱۳۴۶

اویاغی

آقوجمان باغوان هارا یاتیسان
 گوللرین ایچیندن دور یول آلاغی .
 سایاق اول ، زههرلی یاغیش اءسیدیر ،
 محو ائدر ایندیجه بوستانی - باغی .

آییل ، قیزیل گوللر بیر - بیر سولوبدور ،
 بوتالارا آجی تیکان دولوبدور .
 ایستگیم ، دیلگیم باخکی اولوبدور
 گوئل اکلنجه سی ، یادلار اویناغی .

دوزلوگو قویدولار نئجه ساتینا
 قاتلادیلار عشقی مین بیر قاتینا
 قول قویماز یادلارین تبلیغاتینا
 ایگیدین بیلگینی ، دوزو ، سایاغی .

ظولمون حدتیندن زاغ - زاغ اءسرم
 دورمارام ، ظالمی گئری باسارام .
 کئجه لر کندلزه قوربان کسرم
 اگر ایچلرینده اولسا اویاغی

اصلاحات!

بیر گون شاهلار شاهى شهره جارلادی :
 حوء کموموزله بوتون خان - بیگلر ئولور .
 بیلیندیردی بیلیمیر بومثلی کی
 یوغون اینجه لینجه اینجه اءوزولور .

آترقی پرور یوکسک پارانمیش .
 فاغیرا - یوخسولا وئردیگین ندیر ؟
 خانى - اربابلاری چکدین تهرانا ،
 اکینچی یه تاخدین باشقا بیر امیر .

سوءیله دین ایشچی یه ، کندلی یه ، خلقه .
 " آنجاق تکجه منله ایشله ملی سیز .
 آقا بیر اولاجاق ، آلاهیذا بیر
 فتوداللیقدان دای قالمایاجاق ایز .

گوءیلرده آلاها ، یئرده ده منه
 گونده بیر نئچه واخت باش اءگه جکسیز .

قولدورلاریمینلا حوۋکملریله

یئرلی - یئرسیز منی هی ئوۋیه جکسیز .

آلاهیین کوۋلگه سی ، مولانین اءلی

عاغیللی صاحبکار ، شانلی بیر شاهام !

نژادیم یوکسکدیر ، گوۋیده گونشم ،

من کی دارندی شوکت و جاهام !

یوغونو اینجالتدین ، گتیردین دیزه

نیکسونا ائیلهدین گوۋزل اصلاحات !

اما چوخ گوه نمه ، ائلیم دوز دئسه ،

سنه گوۋسترههم آشرقلی تات

آبان آیی ۱۳۴۷

کندلی قیز

لاغ ائدیرلر سنه "تمدنلور"

درشوبسن گوۋزلردن ازل کندلی قیز .

" او آنجاق لایبقدیر یاپما یاپماغا

بودور سن ایچون سوز گوۋزل کندلی قیز !

ساتیشا قویمورلار بو کور بازاردا
 سنین بار- بههرین ، سنین امکین .
 بیلیمیرم بو پوزغون وئرانا باغدا
 گوله جکمی هاچان ساری چیچکین ؟

آناوین قوینوندا گول تک آچیلجاق ،
 آلتینیدا یازیلیر قارا یازیلار
 بوی آتدیقجا آرتیق ، گونون قارالیر
 خزانا واریرسان گوئرمه میش باهار .

کیچیک ایکن ، سوددن یانقی قالیرسان
 سونراسا یاتیردیر پیه ده آنان .
 شیونه قالخیرسان واراندا درتله ،
 تاپیلیمیر دونیادا سنه بیرپانان .

بوی آتجاق آنان تک عادت ائدیرسن
 زاواللی قالماغا یازیق اولماغا .
 گنجلیکین چیچکی دوغاندا سنده ،
 گولمه میش باشلاپیر غنچهن سولماغا .

سینله یاشایان فاغیر انسانلار
 حیاتین سیررینی آچمیرلار سنه .
 بویلانیب قالخیرسان چیچکلریله
 ساتیلیرسان آی قیز پوللو کیسه یه .

سحر هیسلی دامدا توستو ایچینده
 تندیرده یاپیرسان گوللو چوره کلر .
 توتغون گوزلریندن یاش آخیداندا
 سینهلرده نجه تیتیر اوره کلر .

سونرا آخشاما دک ایلمه چالیرسان
 هم اءلین هم خلی قیزیل بویانیر .
 سیزیر بارماغیندان قان داملالاری
 سالدیفین ناخیشدا چیچکلر قانیر .

بیر مدت دونیادا عومور سورورسن
 قوینوندا آچیلیر نجه غنچه جیک .
 بسله نیرلر نجه سن بسله نیپسن
 اوللارا یئنه ده " کندلی " دیریک .

بودور ارمغانی بودور سوقاتی

سنه بو مقدس پادشاهلیغین

زنجیرلر قیریلیر بیئر اءوزه رینده

آی گوزل فیکر ائله بیر دوشون کدرین .

آفریقانین قارا دوزلو قیزلاری

آتشلر آچیرلار " هایلاسلاسی " یه

بایراغین قالدیریب ایگیرمینجی عصر ،

سنه من نه ایچون یازیم مرثیه

آذری گوئلنی یورو شه هره

دایانما ، بو قدر صبر ائتدین ، بستی .

چاتیشاق تئزلیکه بیر- بیریمیزه ،

گل قاچیرداق بوردان امهریالیستی .

تهران ۱۳۵۵

قایتارارام

اومید باغلامیشام ایللردیر سنه
 گلیشینی نئجه گوئلہ پیرم من .
 بولودلار آخیرلار ماوی سعادا
 لطیف بیر یاغیشی ایزلہ پیرم من .

ایللردیر اوزنه حسرت قالمیشام
 ها قینایا یادلار اینان دوءنرم
 قورخمارام شیمشکدن فیرتینالاردان
 من پارلاق گونشم هئج وخت سوئنرم .

آتلانیب دالینجا هایغیراجاغام
 ئوتجگم بوتون دره نی - داغی .
 سنی قایتارارام ئوز وطنیوه
 بو یوردو اودانماز هئج زامان یاغی .

(بهروز حقی منظومه سیندن بیر پارچا)

سحر چاغی خیالیملدا اوتاغیندا دولانمیشام
 آورده گینده یاتان اوزون اومیدلره اینانمیشام .
 قلمیندن سیزان قانلا یوونموشام دؤنه - دؤنه ،
 اصلان کوه نلوم قویمامیشام باشقاسینا بیر دویونه .
 اهلریوین قابارینا، دوداغیوین آتشینه
 گوز تیکمیشم اوره گیوین غربه گئتمز گونشینه .
 کندلریوین کوشنینی دولانمیشام قدم - قدم ،
 امکچی یه سیلاح و ئرمک یولونو من ئوپره نمیشم .
 من بو گئیش کوتله لرین بیر قهرمان ایگیدیم ،
 من هامیام ، هامیلیقدا گلجکین اومودیم .
 من بیر زامان " وورغون " ایدیم ، شیمشکلره اویناییردیم ،
 بیر زاماندا " غلام " کیمی قافلانتی دا قایناییردیم .
 اعدام اولان قوچ " فریدون " مندن باشقابیرکس دگیل ،
 من " تقی " یم ، اودنیزه قاباغیمدا دئینه اگیل .
 من آخمیشام کندلیلرین ، ایشچی لرین سینه سینه ،
 سوئز وئرمیشم اوردا آخان انلی چاپین گور سسینه .
 گوزل باهار چاغلاریمی من بو یولدا قویلامیشام ،
 قولو پولاد اوغوللاری قایالیقدا هایلامیشام .

قول - قولا، اءل - اءله وئرمك ، بئرلىك قورماق زامانى دىر،
 امىريالىزم دءوچه سىنه خنجر وورماق زامانى دىر.
 ائل يولوندا سيلاحلى لار گرک جاندان گنچه قارداش
 مرد ايگىدى نامردلرن دانا- دانا سئچه قارداش
 دئىنه مندن قىراق گزن معلم لىز آيىلسىنلار
 ياد ئونونده سىنه گرىب دئىنه مندن سايىلسىنلار...

فخریه

شعریمین اینجی سین من دوزه جگم
 باغیشلا اوستادیم ، شاعرم منده .
 خلقیمین ایشچی سی ، سیلاحچی سیام ،
 ساخلانیر اءوره گیم بو گول و طنده .
 دایقالار آخمیشام خلق آخینینا ،
 ازل گوندن اوردان الهام المیشام .
 گز میشم داغلارین آذربایجاندا
 ساعاتلار بو یئرده فیکره دالمیشام .
 سرین بولاقلاردان خیلی ایچمیشم
 اوبالاردا قوناق اولموشام ، آی چوخ !
 گنجلیگیم بورادا گوللنیب ، دئینه ،
 کوءنلومده ذره جه منیم قورخو یوخ !

منیم هوندور آتیم بودره میه جک

آشاجاق تپه نی ، دره نی ، داغی .
 ابادا کی قارشی دورانمیا جاق
 مصری قلینجیما آزغین گوز یاغی .

بیرالده آل بایراق ، بیرالده شغریم ،
 چاپا جاقم آتی ان اوجالارا .
 آسیا خلقلرین قورتاراجاقم
 گنده جگم داها بیلمیرم هارا .

پولاد قوللاریملا قاپتاراجاقم
 یئنیدن آنامین باهار یاشلارین .
 آجی دوپونلردن قورتاراجاقم
 اونون او زیل قارا چاتما قاشلارین .

امکچی الیه یئندیره جگم
 امامزادالاردا آغلامیاجاق .

گولله لنمیه جک با شماقچی " علی "
 خلقلرین آرزوسو گولله نه جکدیر .
 قبری اوستونده " خیابانی " نین

سعادت بیلکنی بیلله نه جکدیر .

کندلردن قالخاجاق "آذر اوغلو" لار
 قالما یاجاق شاعیر قوینوندا الی ،
 سعادت نغمه سی یازاجاق هامی ،
 اسگیک اولما یاجاق کیمسه نین دیلی .

دئینه نامرد یادا هئچ زامان منیم ،
 اوره گیم سویوق داش اولما یاجاقدیر .
 دئینه منیم ایگید کوراوغلو بالام
 عوزگه تورپاغینی آلما یاجاقدیر .

دئنه بوردان قالخان ابدی اودلار
 تامام آسیانی بورویه جکدیر .
 امپراتور لوغو بویو ندوروقلا
 دنیزه لره ساری سورویه جکدیر .

بلوچ قارداشیم

سحر له اوپانیب اوزون یول سورن
یوموشاق قوملارا ایز سالان بلوچ .
گونشله سورونوب داغ - دره واران
یالین قاپالارلا ووروشان بلوچ .

آی اثلین - اوپماغین ترک ائدیپ گئدن
سویله کیملر سنی دربدر قیلدی ؟
هر آددیم اوتوروب درین آه چکن ،
سویله کیم نشترله باغریوی دلدی ؟

چیر پیندین یایی - قیش اودلو پئللرله ،
ساوروق تالالاری اولدولار یلین .
صباحی سیلکیندین گئتدین ها گئتدین ،
قانلی جنگلرده مسکن ائپله دین .

دابانینین قالین قاپارلاریندان
قان آخدی یول اوزره ، قیزیل ایز سالدی
لهلییه - لهلییه جان های ایله
سن ثوتدون ، قیر میزی اشارن قالدی .

گتجه لر اوتوردون قارا کومادا
 گه وه نین شعله سین اوزاقدان گوردوم .
 دونجک " اودیوردونا " گوزوم اودلاندى
 قانیوا- اودووا من جواب وئردیم .

دشیرم کی چوخدا اوزاق دگیلیک
 یولوموزدا هر گاه اوچروم اولماسا .
 هر گتجه بیز سیزده قوناق اولاردیق
 نامرد آرامیزدا سنگر سالماسا .

دشیرم آی قارداش گل اوجاق قوراق ،
 تامام ائل - اویماغی بیر بیتره بییاق .
 هایغیریب نامرده هجوم ائیله یک ،
 ظلمون ئورکنینی لاپ دیدن قیراق .

بیلیرم آی قارداش اوگون یاخیندیر ،
 بو سوزه اوره کدن من اینانیرام .
 دیلکه چاتاریق او شن زاماندا

گلجک ، گلجک ، بونو آنیرام .

سحرین سسیله ، شفق رنگیله ،

آخاجام آخر کونلونه سنین .

اثلیمین اودوندان محبتیندن

قویاجاغام اثر جانیندا درین .

دی آبی ۱۳۴۶

گندلی لرین اوخومالاری

آی گندلی لر توپلانین ،

ماهنی دشیب اوخویاق .

بیر - بهریزه ساپلانین

اوزون زنجیر توخویاق

هر آددیمدان بیر سلاق

بوینونا آغالارین .

آجی قیشا سون قویاق

اوزون کورهک باهارین !

کندلی بیک آی آقالار ،

در تلی بیک آی آقالار!

پایدا قان - تر ایچه ریک ،

سنبل لری بیچهریک .

آجلیفیمیزدان قیشدا ،

شه هرلره کوچهریک !

توراغایی اوچاندا

شاهلار شراب ایچنده ،

هریاندان قاوولاریق

کندیمیزدن کوچنده !

بیز قیللی بیق توکلوپوک ،

عومور بوپو یوکلوپوک .

هرنه دئدیز ایناندیق ،

بیز قولاغی توکلوپوک !

مکتب آچیلیر بیئنگی

فارس دئییک دینگی - دینگی

بهر کیمسه هئچ سوپله میر

بگو بینم چی میکی ؟

قاپی نی یاغیش دوپور

اوره گیمیز دوپونور .

بیز بوردا تیتره شیریک
 او اوردا ٹوزون ٹویور !
 سارایدا پولو سئلہ ،
 تبیم وار منی پئلہ .
 دوقتورلار دئیرلر کی :
 کندلیدیر ، جانیم ، وئلہ !
 آی قیز ، گوزلری آلا ،
 دور پینجه اودون قالا .
 شاهی باسدیراجاغام
 نالجی یاخشی باخ نالا!
 چاپلار چشمه لر دولار ،
 سنبلی اوراق یولار .
 آزاد لیفا چیخاریق ،
 گمان کی بیرگون اولار!
 باغدا چیچک اکریک ،
 دیبینه سو توکریک .
 ظالیمترین گوزونه
 اوخ تک آخر چوکریک !

یاشیللیقدیر مئشه میز،
 ایشله مکدیر پئشه میز . .
 بیچیله جک ساه کوکو
 ایتیلیری تئشه میز!


کندلی بیک آی آقالار ،

در تلی بیک آی آقالار! ..

موللا قوران اوخویار،
 کندلی خلی توخویار.
 خلی نی آپارارلار،
 سارایلارا سالارلار.
 سارایدا اگه شرلر
 قیزیل شراب ایچرلر
 کندلی قاپی دان باخار،
 منی یاندیریپ یاخار.
 بارماغینی قالدیرار،
 قیرمیز قانی دامجی لار.
 دوشر خلی اوستونه
 آغ ناخیشدا ایز سالار،
 گوز ائله اوردا قالار.

گوز باخماقدان قارالار
قان سارالار ، سارالار...
کندلی بیک آی آقالار،
درتلی بیک آی آقالار....

قیش ۱۳۴۶



۶۴

آجیرام

۶۶

اوج رنگلی بایراق

۶۷

دان یثری

۶۹

آنالار گونو

۷۱

صبیر داشی

۷۲

کاروان یوللانیر

۷۴

ایگی یول

۷۶

آه

۷۷

یثر سو یودو

۷۸

باج وثرمز تبریز

۷۹

آیین دفترینده یازیلار

آجیرام

آجیرام سنه ، ای
 گونون یورغون چاغی
 یولا باخان آنا ،

آجیرام سیزه ، ای
 بولانیق سولاردان
 ایچن قانا - قانا

گونه حسرت قالان
 توزلو کارخانادا
 اون ساعات چالیشان
 آتاسیز کیچیک قیز .

آجیرام سنه من
 بیر قارا پول ایچون
 اکینین بوراخان
 شوکوزونو ساتان
 شه هره کوچه چن

آجیرام سنه من
 ای آنا دیلینده
 شعر - و غزل یازان
 حسرت اوره گینده
 قالان ائل شاعیری .
 آجیرام سنه من
 دانان آنا دیلین
 چوهرهک چیراق ایچون
 نامردی مدح ائدن
 زاواللی .

آجیرام

اوره کدن

اوج رنگلی بایراق

قارا بیئل اسرکن ، کوکسونو گردین
 اوج رنگلی بایراق ! بیلیرسن ندیر ؟
 ناحق قان رنگیدیر قیر میزی رنگین ،
 آغین کفن سه ده ، یاشیلین زهیر !
 سن اسرکن ، شیطان آسوده یاتار ،
 قارا زندان خلقه قابی سین آچار .

سن ای اسارتین منحوس سیمبولو
 سن آچدیغین یولدور جهنم یولو .
 سنله سیندی اثلین قانادی قولو
 بو یونلارا سالدین اودلو بیر زنجیر .

سن سایه سالارکن دره بگلره
 کندلی حسرت قالار قورو بیر یئره .
 جاوانلار گئده رلر قانلی سفره
 ایشچیلر اولارلار بیر پولا اسیر .

اسدیگین زاماندان اودوموز سوندو
 کون باتدی ، کون چیخدی ، زامانا دوندو .
 تبریزی سرابلی " ری " ده سوروندو
 کورد ایله عربلر اولدولار اسیر .

شاهین اوردو لاری باسغین ائدنده
 مرتجعلرینی داشیدی ئونده .
 ئولوم گیتره رکن پاییز گونونده ،
 سارایدا خاتونلار گئیدیلر جریر .

سن ای اوج رنگلی اجنبی بایراق !
 سن اسدیگین یئردن گئده ریک ایراق .
 سن اسدیگجه اینان ، یانماز بو اوجاق
 بیزه گرک بایراق قیرمیزی رنگدیر.....

دان یئری

آنالار قارا گئییب
 بزه نیب ساه آروادی
 ائل - اوبا یاس ایچینده
 توی - دو یون سارایدادی !
 قوهوردور قارا توفان
 ایستی دیر قورخونج تهران .
 بیر نچه ثولوم حکمو
 امضالیر نامرد سلطان .
 آی سوندو ، اولدوز باتدی ،
 کاروان بوکون چاتدی .
 نامردلر بیر گئجه ده ،
 وطنی یادا ساتدی .

یوکسلمز مدح ائتسه لر

شاعیر لر بیر اوباشی .

نامردین قولو قولدور

گونشه چاتسا باشی

اولدوزلار گوموش خالدی ،

آی سویا ایشیق سالدی .

گوزله دیم ، گلمدین ، هی .

گوزلریم یولدا خالدی .

کئچدی سون - غملی کئجه ،

اولدوزلار دا باتدیلار .

دان یئری ایشیققلاندی .

محکومو اویاتدیلار ...

آنالار گونو

- ۱ -

زندانلاردا عزیز اوغلو چوروین ،
 آياقلارين داليسيجا سوروین ،
 يوخسا عطری سالونلاری بوروین ،
 آنالارين گونودور؟

عوءور بویو پالچیق ائوده یاشایان
 ات یئرینه ، هر گون یئین " پيشمیش قان "
 سوت امری سوتسوز قالان چوخ جاوان
 آنالارين گونودور؟

گوزل قیزی " قالا " لاردا ساتیلان

اسگی کیمی سونرا چوله آتیلان ،
 بوخسا اوغلو سلطان ، قیزی شارلاتان ،
 آنالارین گونودور؟

- ۲ -

بو ئولکه ده عرصه اولموش خلقه دار
 قارا لچک ، قارا گونلو آنالار
 بئله گوندن - عزیز قیزیم - نه آنلار؟

او گونلر کی قیزیل گونش دوغاجاق
 بیخیلارکن گونسوز - آیسیز شح زندان
 او گونلرده اسارتدن قورتولان
 آنالارین گونودور .
 آنالارین گونودور .

- ۳ -

بیر اوسگوک جن یاغ قالیدی چیراقدان
 اودون یانیب گوز قالیدی اوجاقدان
 قارا قیشدی آجلیق بیداد ائیله بیر ،
 بولود قاری قارا بیتره اله بیر .

پالچیق ائوده یاتیب سولغون اوشاقلار،
 کولک اولور، دام - باجادا یا غیر قار.
 قارا گشیب باهار تکین بیر گلین ،
 قاری آنا یولا تیکیب گوزلرین .

- ۴ -

الوان چیراق یانار ایکن سارایدا
 دار آغاجی قورولوبدو بو تایدان.
 یئنکی دونیا زنگین لری چاغیریر،
 زندانلاردا زنجیر لیلر باغیریر
 گوی اوزوندن سانکی اولدوز اله نیب
 " برس پولیس " خرابه سی بزه نیب .

صبیر داشی

صبیریم بیتدی ، صبیرداشی ، من چارتلاییم یاسن چارتلا؟
 ای قیر آتیم ، اوچوروم وار ئونوموزده
 من آتلایم یاسن آتلا؟
 کوزه سیندی ، سوجالاندی ، چای قوردو اکین یاندی
 ای بوز بولود
 من آغلایم یاسن آغلا .

کوهنه زندان چوروک جانلار

آخان قانین ایزلری وار.

قارا توفان بودونیا نی

سن ییخارسان یا من ییخیم ؟

تیکانلیقدیر ، قارا نلیقدیر ،

تور نجو گون . قیزیل مشعل

سن یاخارسان یا من یاخیم ؟

گاروان یوللانیر

بوغوجو ، بوز بیر گئجه ...

ظلمته قاریشیب سونوک ایشیقلار

غملی - غملی هورور پیشه سیز ایتلر

بلالی باشینی چکیب قینینا

خورولداییر بیتر

آدام اولادی دیر بلایا سپر

رویالا وارلیغین

بیلیم ازلدن

آراسیندا وارمیش . تیکانلی چهپر؟

یاغیشلار یویوبدور قان ایزلرینی
 قوجاقلاییب زامان دیزلرینی .
 سکوتا دالمیش .

بیری وارمیش ، بیری بوخ ایمیش .
 شه هرده سونوبدور بوتون لامپالار
 اوزاقدان اوزاغا، قارا توفاندا
 ایکی چیراق یانیر .
 بیری مسجدهدر ، بیری زنداندا

وحشته قیوریلیر، بوزوشور گئجه
 یولا گوز تیکیدیر،
 سوروشو گئجه .

— کاروان یوللانا جاقمی ؟
 سحر گلینجه

قارا نلیقدا ایشیقلاار پنجه — پنجه،
 دان یئری سوکولور،
 اذان اوخونور ،
 گئجه قو شلاری باخ .

آغاچا قونور .

دار آغاچینا ...

قوشلار قاناد چالیر ،

نسیم قاناتلانیر

کولگه کیمی بیر شی داردان ساللانیر ...

تهران ۱۳۵۴

ایکی یول

بورادا وار ایکی یول .

- بیرى ساغدیر ، بیرى سول

بیرى توزلو ، و دومانلی ،

بیرى آپدین یولدور .

ساغ طرفده گوزلیم خیمه قوروب

گولر اوز شیطانلار ...

اگرى یول ، توپراغی قانلارلا بویانمیش

مداحی ، روسی سی یوردو ساتیب ،

قارانی آغلا قاتیب ،
 هر گنجه داخمالاری عزرائیل گزمه ده دیر .
 و سعادت یوواسین ازمده دیر

ایکی یول وار ، ایکی بیتر .
 - بیری اقلیم سحر
 بیری ده غملی گنجه . . .
 اوکی آیدین سحرین اقلمیدیر .
 اوردا فیروزه گوی آچمیش چادرین ،
 قارا قورخونج دگیل اوردا یارین

ایکی یول های ، ایکی یول .
 بیری ظلماتا چاتار ، بیریمی گوللوباهار
 اگری یول ، اودلو جهنمدی گوزل .
 نولوم آچمیشدی قاناد
 اهلپسین در او مکان
 اوردا هر شئی دی . . یالان .

ه۲ !

بی نهایت بوگو، یون آلتیندا

بیزه بیر قبهی فیروزه ده یوخ .

یانار افلاکده مینلرله چیراق

بیزه بیر شمع ، بیر آویزه ده یوخ .

بو قدر اولدوز آراسیندا بیزه

یئددی گویلرده بیر اولدوز یوخ ایتمیش

بو لدولر قوشلاری عالمده مگر

بیزه ده چاتدی او آغلار با یغوش؟

قووالارکن منی هرگون محنت

قاپیمی دویمده دیر هرگنجه غم .

هامی آزاده ائلین شاعیری وار .

من اسیر ائلرین ، آه . شاعیریم . .

یئر سوودو

یئر سوودو ، گون بوزاردی

داغی - داشی دومان ساردی .

کروان بولدان کئچمز اولدو .

بولاقلاردان ایچمز اولدو

قیزیل گونون رنگی قاچدی
قارانلیغا قاپی آچدی

بوز بولودلار پرده - پرده
بیر پرده ده بیزیم ائوده .
گل پرده نی جیریب آچاق
کندی گزک اوتاق - اوتاق

چی کرپیچدن داملاراباخ
توستوله بیر هیسلی اوجاق .
قورو یئرده حصیر اوسته
بیر قیزیاتیب بویو بسته .
کئجه - گوندوز آغلامیشدیر
یورغون گوزون باغلامیشدیر
- گوز تیکرکن گونه ، آیا

قاراگونون سایا - سایا

خبر یوخدور آداخلی دان
یولدان کئچر " قارا کروان "

طفیلی لر بسله یین لر ، قارانلیغی ابسته یین لر
بوغدور موشلار آداخلینی

اوزن - اوزن یولار گئتمه .
 کربلایا سفر ائتمه .
 آجی حیات بورادادیر ،
 قانلی فرات بورادادیر.....

باچ وئرمز تبریز

ماوی گویو چادر قورار
 قیزیل داغلار محکم دورار .
 گونش ، گوندوز شعله چکیب
 آی ، گئجه لرایز لر آچار
 قیش توکنیب ، گلیر باهار
 نسیم اسر ، کهریز آخار .
 تولکویه باچ وئرمز تبریز
 بیرده زاوال گورمز تبریز.....

چیراغین یاخ ! داغیدسین نور
 کوز قالیدیر ، اوجاغین قور .
 قارانلیقدیر ، اویانیق دور .
 گولر اوزه ، باهار ، تبریز .
 بیئنه گونون پارلار تبریز.....

آیین دفترینده یازیلار

- ۱ -

مسجدده صبح چاغی ناماز قیلیندی
 آلا قارانلیقدا قاپی آچیلدی
 عادل بیر سلطانا اون - بئش ایل اول
 - گوزون اوسته قاشین وار " دئین ذاتین
 سویوق داشلار اوسته باشی کسیلدی
 آی دا پول - پول اولدو درین سولاردا
 ساحلدن بیر شئیلر آتدیلار سوپا .
 سویون ماهنی سی نی دینلرکن بایقوش
 دوپولدو کولگه لی مئشه ده ، اوچوش
 اوتلار خیشیلدادی ، گئجه دینله دی .
 - گوئه سن ایلان می سورونور اوتدا؟
 آی داغا اگیلدی ، گئجه توکندی
 اریدی ایشیقلا درین سولاردا .

- ۲ -

سرین نسیم اسدی ، مئشه ترپندی
 دان یئری ئورپگین باشیندان آتدی
 سحر ، سولار ایله ، چارپیشاراق ، آه
 کوئیوروموش بیر اولو ساحله چاتدی

سوروندو یوللاردا آی ایشیقلاری
گئتدیلر اوزاقدان ، هوردولر ایتلر ،
- زنداندا ئولمه سین ، دئییه آجیندان
آسدیلار محبوسو دار آغاجیندان
آی گوئیلری گزیب ، مغربه چاتدی
ئورپگین قانلی گون باشیندان آتدی .
قارلارین اوستونده قانادین سردی
و آتیاق ایزلری گوروندو یولدا
اون بیر جوتو ساغدا ،
اون جوتو سولدا

- ۳ -

آی ایشینی دوشدو پالچیق داملارا
داخمالاردا یانان ایشیقلار سوندو.
آی ، یئرین بیر کره باشینا دوعندو .
دوغولدو بیر اوشاق ئولدو بیر قاری .
آی گوئیلری گزیب یوردونا واردی
سحر بیئلی اسدی ، خوروزلار ئوتدو
آغلاشدی آروادلار ، دورردو اوشاقلار
بیر قایی آچیلدی ، پرده بوروشدو
بیر قارا قافله ، آه ! یولا دوشدو.

۸۴-۹۹

عمران صلاحی

۸۴

آغ بوغ قهرمان

۸۶

آرشین مالالان

۸۷

زهر تولوغو

۸۸

لیلا ننه

۹۲

چیلله

۹۵

قیزیل گول

۹۶

لیلا ننه نین یوخوسو

۹۸

قوجا حبیب

آغ بوغ قهرمان

سحر

آتین مینه ردی

بر

آتینین سسیندن

یوخودان دیسکینهردی

آتینا

گونون توربا سیندان وئرردی سامان
آتامین آتاسی آغ بوغ قهرمان

بوغلاری آغ ، قاشی آغ

سهند کیمی باشی آغ

آتی قالخیب بولوتلارا دگه ردی

اونا اوجا ساوالان

اوزاخدان باش اگه ردی

سی داغلار باشیندان

آراز کیمی آخاردی

آتینین دمیر نالی

داشا اولدوز تاخاردی
 کوراوغلونون کولگه سی
 دوروب اونا باخاردی
 آیاغینا دوراردی
 دوه‌ردبیر یاندان یئل دومان
 قالخاندا ئوز پریندن
 آتامین آتاسی آق بوغ قهرمان

 پاپاغینی سیلکنده ،
 یاغیش کیمی اوندان گولله یاغاردی .
 پاپاغیندان آروادی
 سوئت کیمی
 یئره گولله ساغاردی .
 هر نامردین گولله سی
 اونا طرف گلنده
 باشین سالیب آشاغی
 تئز یولونی اگه ردی .
 قور خوب دوراردی زمان ،
 داغدا هرای چکنده
 آتامین آتاسی آغ بوغ قهرمان

ایندی ده کی وار قهرمانین آدی
 آت گزدير ير مغاندا
 ایندی ده کی وار ، هر یاغیش یاغاندا
 قهرمانین گولله سیندن دانیشار
 ایندی ده کی وار ، جیرانین اوره کی
 چیرپینار
 قهرمانین آدین بیئل گتیرنده .
 آدی ماهنیلارکیمی
 گیزله نییدی عاشیقلارین سازیندا
 مئشه همان ، دره همان داغ همان
 گوستر گوروم هاردادی
 آتامین آتاسی آغ بوغ قهرمان ؟
 تهران - ۴۹/۱/۵

آرشین مالالان

منی یادا سالان یوخ
 بو قاپونی چالان یوخ
 آرشین آرشین سوزوم وار
 بیر آرشین مالالان یوخ .
 دزدی نه یه اوخشادیم ؟

- سهند؟

- یوخ

- ساوالان؟

- یوخ

یالان سوزدی محبت

• بو سوزومده یالان یوخ .

قویون آراز آغلاسین

بو چوللرده قالان یوخ

آغاجلارین ایچینده

• آه کیمی او جالان یوخ .

تهران - مرداد ۱۳۴۹

زهر تولوغی

یاغیش یاغیر ،

آغیر آغیر

دومان یئنه

بولوتلارین سوتون ساغیر

بولاقلارین دولوب گوزی ،

آغاج دوروب

منیم کیمی باشین اگیر
 دیبر یاغان ، یاغیش اگیر
 سو دور آغاجلارین سوزی
 بودور آغاجلارین سوزی
 بولود گلیر
 تولوغ کیمی زهر توءکور
 چیچکبو باغدا قور خودان
 سحر دوراندا تر توءکور
 باهار یئلی هارای چکیر
 قولاقلارین باغیندا بیر توخوم اگیر.
 باخسین سوزه ، باخسین سوزه
 زهر یاغاندا هر آغاج
 سوسوزلوغاگرک دوزه

تهران - ۱۳۴۹/۱۲/۲۸

لیلا ننه

کاغذی من قلمیم ایله قازیرام
 بو شعری ده سنه خاطر یازیرام .

شوخوم آلتیندادی کاغاذ

یئرکیمی

توخوم آلتیندادی کاغاذ

یئرکیمی .

توخوم سپیر اللریم

سوز گوء یهرده

سوزلر گوء یهرسین

باش چکسین گوء یلره

لیلا ننه

باخ بیر منه

گور نه سوز لر بیچیپ کتیرمیشم سنه

لیلا ننه بئل بو کولب

توک آغاریب ، دیش توء کولوب

عمرون پالتاری سوکولوب

لیلا ننه تک قالمیسان

داغلار کیمی باشین آغدی

سینه نده کی خاطره لر ، بوء یوک باغدی

گوء زلریندن بولود گئشدی

یاغیش یاغدی

لیلا ننه بوء یوک باغی مه توتوبدی .

غم ییغیشیب مه اولوبدی
 بوء یوک باغی مه اوتوبدی
 لیلا ننه گل بایاتی اوخومنه
 بایاتیلارایله بیر کوءینک توخومنه .
 ناغیل دئینه گئچمیش لردن
 او زامانین مهلی هاواسیندان دانیش
 ارمنی موسورمان . داعواسیندان دانیش
 گنه دئینه نه لر گووردون ایرواندا
 باکیدا ، گنجه ده ، شکی ، شیرواندا
 آیری دوشدون قارداشیندان
 سئل دوزه لتدین گوزیاشیندان
 اوره گینی تاپیشیردین سئلره
 سینیق کمی کمی گئتسین او تایا
 سنی آپارسین قارداشین یانینا
 "آپاردی سئلر سارانی " اوخودون
 من بیلیرم ؤوزیاشیمین قدرینی .
 هئج کمی الله قارداش سیز قویماسین .
 قارداش محبتی ایستی پالتاردی
 آلاه هئج کیمین اگیندن بو پالتاری سویماسین
 لیلا ننه

" حيدر بابا " او خوياندا آغلاييردين
 گوز ياشيندان بير دسته گول باغلاييردين
 ليلا ننه سن ائوميزين چيراغيسان
 قيش توتوبدى هر طرفى
 سن بو قيشين اوجاغيسان
 ميشه لرده بيز بيز ايتميشيك
 ميشه لرده بيز قوروق
 ميشه لر لاپ قارانليقدى
 سن بو قارانليغين اوزاق ايشيقيسان
 بو ايشيق بيزلرى ئوز يانينا چكىر
 ايشيق توتوب اليميزدن
 قارانليقدا يول گوستيرير
 ليلا ننه ، نوه لرین
 نوه كى بوخ ، دوه لرین .
 سندن اوزاخ گزيرلر
 اوره گيني ازيرلر
 تنديرين اودون آليرلار
 لامپانين خودون آليرلار
 آمان هر گون ايستيرم
 آلايه سنه عوءءور ورسين

سماوارا كوء مور وئرشن

ليلا ننه چايي دمله

يورولموشام

يورغونلوغو آل اليمدن ،

نيكالاى چيني سي كيمي

يورغونلوغو سال اليمدن .

ليلا ننه

قوربان سنه

هله تزدى ياتمياسان

خزينيه باتمياسان

ليلا ننه قويما يانام

آچ گوزيني ، من عمرانام .

مراغه - ۱۳۵۱/۹/۳

چيله

چيله آخشامى

كورسى آلتيندا

اوتوروب هامى

يئيپيلر شامى .

اوشاخلار اوينور

پیشیک ازیلیر
یورغان اوستونده

یورقان اوزولوب
کورسی اوستونده
چایلار دوزولوب
شیرین بارتاخال
چایلار دال با دال .

شیشه دالیندا
گورنه قار یاغیر
حیطیمیزده
پانبیق اکیبلر .
گوءز قاباغینا
پرده چکیبلر .
هاوا یاوادی
گنه یئل اسیر
قولاغی کسیر
شاختادی شاختا
پالتار ایپ اوسته

تاختادی تاختا
گئجه اوزوندى .
هاوا قارانلیق
شیشه دالیندا
قارقا بیغیشیب
سویوق چیلله ده
دوروب پیلله ده
قاپینی چالیر
شیشه دن باخیر
یئنه آتامین
الی دو لودی

کورک بیخیلیب
دیوار دیبینه
کولک کیفله نیب
حیطی گزیر
شاختا ، پیچاغین
کورسی آلتیندا
آغلاماق سسی ...

قیزیل گول

گوزلریم قار کیمی آغلاماقدا
 گوزپاشیم دسته گول باغلاماقدا
 باشلاری بیترده قالمیش قویونلار
 قورد او یاندا بوغون یاغلاماقدا .

قویمایین قیش یتیشدی آماندی
 فکریمیز بوردا یئل نن ساماندى
 بیزلری گورمگه گوزلری یوخ
 من سوزوم اولماسا سوزلری یوخ .
 باغچامیزدا قیزیل گول اءکنلر
 سوءزلری ایندی چوخ ئوزلری یوخ

لیلا ننه نین یوخوسی

خالچا گلدی اوتوردی

قبرین بیر طرفینده

خالچا

قاناد چالیب توزلو یوللاردان گلدی

بیلیمیرم هاردان گلدی ؟

ایکی قارا چادرالی

بولوتلارین ایچیندن

پله پله آیاق قویوب گلدیلر

اوتوردولار خالچادا

ال قویدولار اوقبیرین داشینا

ال قویدولار یارالی نین باشینا

داش چکیلدی بیر یانا

یارالی نین باخدیلار گوز یاشینا

یاخدیلار اوزیاشینا

گوز یاشی چوخ ، اوزیاشی آز

هله من ئولمه میشم

ایکی قارا چادرالی

سئل کیمی آغلادیلار
 یارالی اونلارا باخیب
 دغدی نیه پرده پرده آغلیرسیز
 پنجره نی پرده لرله باغلیر سیز؟
 هله من ثولمه میشم
 اول دن ثولمه میشدیم
 منی بوردا بیردن بیره
 دیری باسدیلار قبییره .
 ایکی قارا چادرالی
 ال قویدولار یارالی نین باشینا
 ال قویدولار یارالی نین داشینا .
 یارالی اوزانیب یاتدی
 داشی گلیب باشا چاتدی
 ایکی قارا چادرالی
 قایتدیلار گتدیله
 خالچا یئریندن قالخیب
 اونلارین دالینجا گتدی
 توزلی بولودلو یوللاردان

قوجا حبیب

قوجا حبیب کلیدی

حبیب دی بو ، حبیب دی

داغلار کیمی قوجادی

داغلار کیمی اوجادی

دره کیمی درین دی

سوؤزو دیلی شیرین دی

ظالمیم ، بال آریسی دی

دونیانین یاریسی دی

بوغی پانبوغا اوخشور

پانبوغی بوغا اوخشور .

بوکیمدی ، هارالی دی ؟

حبیب دی ، یارالی دی

ظلمین بئلین اءپهر بو

مین جاوانا ده پهر بو
 قارانلیقدان چیخیدی
 اونون ائوین پیخیدی
 دیلمیزی آلیبلار
 سوء زلر یتیم قالیبلار
 حبیب هشتاد یاشیندا
 یتیم لرین یاشیندا
 بو ئولکه ده قفس چوخ
 چالیشماغا نفس بوخ
 حبیب اما ، قینه بیر
 ساققیزی چینه بیر
 ساققیز نه دی ؟ سوزی دی
 سوء زی نه دی ؟ گوءزی دی
 گوءزونده ایشیق لاروار
 قارانلیقلاری پیخار
 حبیبین بوغی ، قاشی
 ساوالانین قارداشی .
 بوغی باشی آق آپاق
 اته گینده یاشیل باغ
 باغلاردا سوء زگوهریر

منیم الیم سوؤذریر

قوجا حبیب گلیدی

قارانلیغی دلییدی

آی جاوانلار اویانین

بو قوجادان اوتانین .

تهران - ۵۷/۴/۶

۱۰۰-۱۳۲

قافلانلی

۱۰۰

جوشغون آرازام

۱۰۳

آنا تبریزیم

۱۰۵

دوزگونون شعرینه جواب

۱۱۱

ائلریمه آرخانیم

۱۱۳

چالیش قافلانلی ایله حریتینه

۱۱۵

ائل پئشه‌سی

جوشغون آرازام

دینله بین اوتایلی بوتایلی ائلر ،
 نئچه ایلدیر منه بهتان دئییرلر .
 بوخسا حقیقته واقف دگیلر ،
 اودلار ئولکه سینده جوشغون آرازام
 اولماییب ، اولمازدا یولومدان آزام .

ظالم فلک یامان قارقاییب منی ،
 اوخشاییب یوکسلتدی قاری دوشمنی
 آرادان بولدولر آنا وطنی
 دوندهریب آدیمی قویدولار " ارس "
 کیسه یوخدور وثره سسیمه بیرسس .

آتالار بابالار منی سینادی
 قوچ ایگیدلر منده اوزوب - اوینادی ،
 هر زامان ائلیمه قانیم قاینادی ،
 خطا کار دگیلیم ، اولدوم اهدی
 بس نئجه بوغاردیم اوغلوم صمدی .

هاوا سویومدشدو ، دونوردوم ، ثوزوم ،
 آند اولسون ، آدیما ، گئرجکدیر سوزوم .
 بیر آندا صمده ساتا شدی گوزوم ،
 قانیم قاینایارکن اوره گیم ووردو ،
 کلب ساغ یانیم بیر لحظه دوردو .

گوردوم لاله تکی قیزاریب رنگی ،
 باخیردی اوزومه صمد بهرنگی
 دورموشدو جلا دلار الده تفنگی ،
 ئولدوروب آتدی یار بیردن قوینوما
 ناحقدن بیخدی یار منیم بوینوما .

قوینومدا صمدی بیرآز ساخلادیم ،
 باخدیم یاراسینا من قان آغلادیم .
 آیا خلارین چاتیب ، گوزون باغلادیم ،
 آپاردی ثوزو ایله آرزو - دیلگین ،
 من قاتیل دگیلم ، مندن ال چکین .

کیم گوروب اوزگونچو سودا بوغولا ،

بوقدر ظلم ائده آنا اوغولا؟
 هانی صمد تکی ایگید دوغولا
 آزادلیق یولوندا جانیندان کچه ،
 حق اوستونده وثره حیاتین هئچه ،
 اونونجو ایلیدیر ، گلمیش دیله ،
 ماتمین ساخلارام هر ایلدن ایله .
 قوی دئیم سیریمی ائلریم بیله ،
 منده ظلم اودونا چوخدان یانیرام
 چونکو محروملارین دردین قانیرام .
 قافلانتی حسرت آیدین سحره ،
 زیللم گوزومو کنده شه هره .
 آختاررام هر یانی دره به دره
 تانیرام قاتیلین بیر گون تا پارام ،
 صمدیمین قانین بیترده قویمارام

آنا تبریزیم

بیته شانلی آدین دوشدو دیلله ،
 اوجالدی شهرتین آنا تبریزیم .
 فخر ائتدی هامیلار بیزیم ائلله ،
 عظمتین گلمز سانا تبریزیم .

 اولدون ائلریمه مهربان ننه
 شرفله جان قویدو عزیز وطنه .
 بوینونو اگمه دین قاری دوشمنه
 چالیشیردی سنی دانا تبریزیم .

 قانلی فاجعه لر گوردون هرزامان ،
 آما ایلقاریندان دونه دین بیرآن .
 قوینوندا بووتدون مین - مین قهرمان
 روح وثریب گتیردین جانا تبریزیم .

 دوشمانلار ائلیوین قورخار آدیندان ،
 کچن دویوشلرین چیخماز یادیندان ،
 بیلیرکی دونمزسن ائل - ائولادیندان ،

- آبریلیب دوشه ده یانا تبریزیم .
- سن بهمن آییندا قاوزانیب دوردون ،
 یئنه آزادلیغین طبلینی ووردون .
- مین ایلیک دوشمانین بوینونو بوردون ،
 دوندردین اوره گین قانا تبریزیم .
- اون ایکی یاشیندا اوشاق - جاوانلار ،
 وئردیلر ال - اله حق ایسته ینلر .
- شاهیددیر گوناھسیر توکولن قانلار ،
 یولوندا باتدیلار قانا تبریزیم .
- چکیر قان ایچنلر آخر نفسین ،
 اودورکی ایتلیدیر جلاد تیه سین .
- قورخمایب اوجالتدین انقلاب سسین ،
 آز قالیب ظلم ائوی یانا تبریزیم .
- قوینوندا بویتدون ستارخان ائلین ،
 اودورکی هئج زامان بوکولمز بئلین .
- چالیشدین وودروشدن باتماسین دیلین ،

اوپادین شهرته شانا تبریزیم .

آذر ثولکه سینین قهرمانی سان ،
 بوتون عالم بیلیر غیرت کانی سان .
 شاعیر قافلانتینین دردین قانیرسان ،
 دیلینده ازبرسن آنا تبریزیم .

شاعیر حسین دوزگونون شعرینه جواب

طبعی قاینایارکن شاعیریم جوشدون ،
 یاتمیشدیم ، گوزومو آچدیم ، اوپانیم
 منیم اولوسوما بیر نغمه قوشدون ،
 اوچالدی گویله شهرتیم شانیم .
 منی گونش ساندین ، ئوزونو ذره ،
 سن ئوزون دریاسان ، منده بیر قطره .
 یازدین عاشیقلا رین شعرین مین سطره ،
 اوخورام هرزامان ، مطلبین قانیم .

من سنین شعرینی آتشیدن زامان

قههر دوتدو منی گوزلریم دولدو .
 گوردوم کهنه مزار نئچه یوز قولدو
 قاوزاندی گوپلره آه و ففانیم .

مزارین اوستونه بیخدییم ئوزومو
 قویدوم سینه سینه سولغون اوزومو
 ددییم اوره کده کی گیزلین سوزومو
 دور گور نه حالدادی آذربایجانیم .

ددیم خان چوباندان ، ددییم سارادان ،
 اوره گیمده چالین - چارپاز یارادان .
 یاد ائلر بوردومو بولدو آرادان ،
 کیمه بئل باغلاپیم ، کیمه اینانیم .

اجنبی لر بیزه تله قوردولار ،
 طایفا - تیفاغیمین قانین سوردولار
 هر یانا بیئتیشدیک تهمت ووردولار ،
 چورودو غربتده کومکسیز جانیم .

فرصت دوشوب ایندی یادلار الینه ،

فرح‌لینب اوچدوم گوئیله، اینان .
 جومدوم خیالاتا فیکیره بیر آن ،
 گلدی نظریمه کئچن زامانیم .

روحوم اوچوب گئتدی آذربایجانا
 سهند - ساوالانا ، میله - مغانا ،
 دمیرقایی ، دربند ، باکی ، شیروانا ،
 باخارکن قاینادی داماردا قانیم .

گزدیم فولکه میزی دیار به دیار
 آتا - بابالاردان قالمیش یادگار ،
 گوزومون ئونونده بیر توزلو مزار
 ائله بیل اوله‌دی بیر آزدایانیم .

گوردوم باش داشینا یازلمیش آدی ،
 دویدوم عظمتلی قورقود بابادی .
 آتالار آتاسی ، اودلار اولادی
 آز قالدی قوتارسین تاب و توانیم .

دونیا‌لار باشیما تیره تار اولدو ،

باخیر حقارتله آذر ائلینه
بیر قیفیل ووردولار آنا دیلینه ،
نه نسیمی واردیر نه ستارخانیم .

بوردوموز بووامیز گتدی تالانا ،
آیریلدیق ظلمدن هره بیر یانا .
ننجه ایل من دوزوم قارا هجرانا
وصالا چاتماغا واردی گومانیم .

آتا نیسگیلینی سویلهدیم سنه ،
دایم چالیشارام آنا وطنه .
بوینومو اگه‌دیم قاری دوشمنه
ده گوروم هاردادی منیم نقصانیم .

گلدی تلاطمه قاووزادی باشین ،
محبته سیلدی گوزومون باشین .
سوروشدو هاردادیر قاهوم - قارداشین
هاردادا قالدی منیم قارا چوبانیم .

بودور ، اوغول مندن سنه سفاریش

دوستلارینلا دوست اول ، دوشمنله ووروش .
 وئرمه ئولکه میزدن یادا بیر قاریش ،
 ازلیندن بودور یولوم ، ارکانیم .

دویوش جهالتله اولماسین یاغی
 مقدسدير سنه آنا تورپاغی
 یولوندا جان قویوب مین - مین جاوانیم .

حقیقی تانیمایان حقیقه اینانماز ،
 قان توکمه بیرکس ، آزاد اولانماز .
 آزاد بیر ملتی ، یادلار دانانماز ،
 دئمز درتلیمه یوخدور درمانیم .

باشادیق وطنده داش زامانیندان
 قورخمازدی ائللریم ذره قانیندان
 چوخلاری دیل اوسته کئچدی جانیندان ،
 ئوتردی بوسایاق منیم دورانیم .

سانکی زامانه لر حیاتین سورهر
 ئولکه مده مینلرجه قوچ ایگید تورهر .

یئنه دوشمنلرین دیزی بودره،
صف چکر قارشیمدا مین قهرمانیم .

اوغول قرینهلر بو حالدا قالماز ،
وطنده بوی آلار کوراوغلو ، ایواز ،
ایللر دگیشیلر ، قوروپار آراز ،
قاریشار تبریزه ، باکی - شیروانیم .

باخیب سئیر ائدیردی ساغی - سولونو
بوینومدان چکیردی آتا قولونو
منه گوستره رکن اومید یولونو،
باشین آتیب یاتدی ایگید اصلانیم .

قافلانتی یام جواب دئدیم شعرینه ،
روحوم اوچوب گئتدی وطن سئیرینه .
جومدو خیالاتا آتا دورونه
قاییتدی اومیدله روح و روانیم ،
قاییتدی اومیدله روح و روانیم .

اٹلریمه آرخالانیم

دئدیم گوزل شانلی وطن

غربت یئرده قالسامدا من ،

گوزلریمین ئونونده سن ،

داماریمدا جوشار قانیم ،

سویله کیمه آرخالانیم ؟

آلاچالیو یاغا- یاغا ،

گئتدیم باشی قارلی داغا .

آنا یوردوم چار اویماغا

آی سهندیم ساوالانیم

سویله کیمه آرخالانیم ؟

یوردوموزو دومان آلیب ، ،

هر طرفه کولگه سالیب .

قهرمانلار هاردا قالیب ؟

قوچ نبی ایله خان چوبانیم ؟

سویله کیمه آرخالانیم ؟

آصلانلارین دوشدو یانا ،

بو یانیسان قیزیل قانا .

نیسگیلترین گلمز سانا ، ،

یامان اولدو بودورانیم

سویله کیسه آرخالانیم ؟

یاد ائلر ال تاپدی بیزه

قوشون چکدی شان تبریزه .

کوچه ده قان چیخدی دیزه ،

ئولدو مین - مین قهرمانیم

سویله کیسه آرخالانیم .

اثل - اوبامیز تاپدالاندی ،

اوره کیمیز پارچالاندی .

آنا دلیم قیفیلاندی ،

سوزلریمده بوخ بالانیم

سویله کیسه آرخالانیم .

قاپ قارانلیق ظلماتدی ،

دوشمان بیزه ال اوزالتدی .

ظلم - ستم عرشه چاتدی ،

هاردا گندیب دالدالانیم

سویله کیسه آرخالانیم .

ایلدیریملار گویده شاخیر ،

قان قاریشیب سئل - سو آخیر ،

یاددار منہ یان-یان باخیر
 آی قانیم قان آلانیم
 سویله کیسه آرخالانیم .

قاوزاندی ائللریم یئنه
 غالب گلر اهرمنه
 یئنه اومید وئردی منہ
 اوره کلندیم سیلاخلانیم
 ائللریمه آرخالانم

چالیش قافلانتیلہ حریتینہ

دئدیم یوخلاماسن غفلتدن آپیمل ،
 اونودما کئچمیشین آذر ائولادی .
 ملتر ایچینده بیر ملت ساییل
 یئنه اجدادیوین اوجالسن آدی .

بوتون ملترین سنده بیرین
 چونکو تاریخلره یازیلیمیشن آدین
 واردیر ملهتین ، دیلین ، دیرین
 جان قویوب ساخلادی سنی اجدادین

سنی اجنبی لر گون به گون سیخدی ،

اودور کی دوشموسن ئوزگه دیارا

سنین وار لیغی نی ئوزونه چیخدی

آنا تورپاغیندا قالدین آوارا.

ئوز دیلین ترک اقدیب ، ئوزگه دیل باز

دوشه دین سینهوه ئوزگه داشینی .

ئوزون ئوز ائلیوین کونو قازد

داغیلدی چوللره قاهوم - قارداشین

سنین دردین- غمین حددیندن آشیب

چکدین ئوزگه لرین دردی - غمینی

توفانلی دنیزده بولوندان چاشیب

بوشلادین الیندن باتدی گمینی .

دایادین بئلینی نامرد بئلینه

چکیلدی بیر آندا بیخیلدین بیتره .

اولموسان گودوکچو آذر ائلیند

مقاما ، شهرته ، ثروته گوره .

بو قدر یادلارا تیکمه گوزونو ،

هر کس اودو ائشر ئوز قاباغینا .

دونیادا هامیلار تاپدی ئوزونو

چونکو اویمادیلار جنت باغینا .

تولکو صفتلرین اویمایا فعلینه ،

قویما بوندان آرتیق فرصت تاپالار .

مگر نه گلیدیر آذر ائلینه

وطنیم گون به گون چالیب چاپالار

یانعایب یانمازدا ئوزگه لرسنه

ئوز یوردوندا سنی ئوزگه سانارلار .

گوجونله قدرتین ائلده دیر بیئنه ،

قارداشلار قارداشین دردین قانارلار .

آج بصیرت گوزون یوخودان اویان

ئوز دیلینه ملیتینه .

داها بوندان بیئله ئوزونه دایان

چالیش قافلانتی ایله حریتینه

ائل پئشه سی

عزیز قارداشلاریم عزیز ائللریم

بو غربت ئولکده گلمیشم جانا

یادیمما دوشوبدی گئچن ایللریم

خیالیم بویلا نیر آذربایجانا

من نئجه ئوزومی یادلارا قوشوم

گوزهل کندیمیزه اوچوبدور قوشوم

داغیلیب ئولکه دن منیم تای - توشوم
نیسگیلیم چوخالیب گلمه پیر سانا

یادلارین ایچینده یاشاییم نئجه
ایشیغلی گوندوزوم اولوبدور گئجه
بیر قیزیل قوشودوم اولموشام جوجه
ئوزگه لر ایسته پیر کوکومدن دانا

ئوز آنا یور دودما هامی ائل - ائولاد
ایچیمیزده بیزیم یوخیدی بیریاد
منده هر سوزومی دیپهردیم آزاد
اوخشاردی بویومی مهربان آنا

گونش ایشیغنی هر گون ساچاردی
بیزه سعادتین یولون آچاردی
داغلارین باشیندان دومان قاچاردی
چوللر گئیپنهردی یاشیل بیر دونا

گلین تعریف ائدیم وطنین یازین
چایلارین دولوسی ئوردگین قازین

عاشیقلار باغرینا باساردی سازین

اوخویوب گزهردی مثل پروانا

دئیم چمنلرین ، دئیم یونجاسین

باغلاردا آچیلان تزه غنچاسین

یاشیل زمیلرین سونبول غینچاسین

باخیب سئوینردیک گوزهل کویشانا

طبیعت دوغوردان بزهردی چولی

گوللر دیندیرهردی شیدا بولبولی

لاله یاسمنی سوسن سومبولی

وئرهدی هرهسی بیر عطر اینسانا

گئیردیک داغلارا نوروز گولونه

گتیرهردی هرکس سئوگیلیسینه

سئویب - سئویلمگی یاخشی بیلینه

آند ایچیب دوزه لر عهده ، پیمانا

آشاردیق باغلارا قیزیل گول سئچهک

گوره ردیک آچیدیر مین جوره چیچک

بیر یاندا بولبولر ووراردی جه جک
ایستردی بیزدرهن گول اوسته قونا

آنام بارداغینان قویاردی هدیک
من چولده گزهردیم گدیک به گدیک
ته پنیین داغیندان دره ردیم سدیک
وئرمزدیم دنهسین لعل - ی مرجانا

گاه اوشغون درهردیم ، گاهدان گوبه‌لک
بیغاردیم بییره اولاردی کلک
گتیرهردیم کنده بییری بیر چرک
گورهردیم آزقالیر چیراغلار یانا

ایلدیریم دالبادال گویده شاخاردی
بولودلار اویناشیب یاغیش یاغاردی
قیز گلین ارخشده داوار ساغاردی
گیزلینجه باخاردی قیزلار اوغلانا

چوللرده جوتچولر یازدیق اگردی
شوخمون اوستونه مالا چکردی

بیردن قیقیلداشیب کهلیک سکردی

گوزهل فره لرین دوزهردی یانا

گئده ردیک کویشنده عمارات سوره ک

دییردیم قار بولاق دوزه لدین گورهک

بیغیلیب تای - توشلار بییهردیگ چورهک

دییهردیم ابهگی قویدوز مایانا

بیریاندا جوانلار یونجا بیچهردی

اویلار سوری - سوری گلیب گئچهردی

توکولوب بولاغین سویون ایچهردی

قوچ دوروب باخاردی اویان - بوپانا

آییق چوبان کیمین دالدا قالاردی

دوره دن انسانین اییین آلاردی

بیر آندا اوجادان فیشقا چالاردی

گوره ردین دوشدولر قاچان - قاچانا

گئدهردی بولاغا قیزلار دسته سی

آلا گوز بئل اینجه بوپو بسته سی

قیزلارین غمزه سی ، سویون نغمه سی
بیر آندا سالاردی عشق اودون جانا

قوجابستانچینین گوزون گوده ردیک
گوره ردیک آییق دی یاندان ئوته ردیک
گندیب کویشنلرده سوتول ئوته تردیک
دییه ردیک گوناهدی قویمازدیق پانا

هامپالار بیغلیب اوتاچیخاردی
بیچینچیلر چولده آلاق بیفاردی
چاتاردی خلوری بولدا بیخاردی
خلورچی قاچاردی اویان - بویانا

داها باز قورتاریب گیره ردیک پایا
بیفاردیق آلاقی باساردیق تاپا
آنام سوت پیشیریب سالاردی مایا
قالاردی گئجه نی سحر چالخانا

گورمردیک آرپالار تک - تک چال لاشیر
چولده قیب - قیرمیزی لاله شاللاشیر

بوغدالار غین آچیب سومبول سالا شیر
دیپردیک گول یاغیب بیزیم کویشانا

بیر یاندا بیرسی باغلین تولاردی
بیریده داشینان اوراق سوولاردی
بیر یاندا بیچینچی آرپا یولاردی
قشینالتی پییه ردیک جمه باغلانا

آرپانی قورتاریب بوغدا بیچهردیک
کولگه لندیریک قوروب ایران ایچهردیک
گون باتاندا گلیب چایدان گنچهردیک
باخاردیق سواچن مالا ، حیوانا

گلمردیک سوینجهک خرمنه چاتاق
باغلاری تایانین اوستونه آتاق
گنده ردیک ائومیزه شام یثیب یاتاق
چونکی اوپاناردیق بیزاوباشدانا

گورهردیک بعضیلر دریب قوتاردی
حلاللیق گونونده شئنلیک توتاردی

چوبانلاردا گلیب یثرین اوتاردی
اشجهجی گنده ردیک دالدا قالانا

بیفاردیق اکینی چولدن خرمنه
گندهردیک گزمگه چایا ، چمنه
باش بیتمیش وثرردیک یولدان گشچنه
دیبرردیک قوناخدی گلیب بوستانا

خرمنی دووهونده قوشاردیق هولاً
ئوکوزون قاریسین باغلاردیق سولا
چووالی دولدوروب دوشردیک یولا
اولده بهرهنی وثرردیک خانا

ازلدن واریدی ائلده بیر پشه
قویمازدیق بیر کسی ایناقدان دوشه
بیر پایدا چیخاردیق سید ، درویشه
چاتاردیق بیر نچه یوک دگیرمانا

اززلی اویناردیق قورتولاردی بای
گاهدان پپشدی بیلیلی گاه تلاهارای

بوزلرجه اویون وار بولاردان سوی
آرادان خیر دییب قاچاردیق یانا

خرمنده اویناردیق گاهدان قوز آغاج
گاهداندا اویدورما گاه چیلینگ آغاج
گئجه لر اویناردیق گیزله نن پاراج
قاچیب قویلناردیق اوتا ، سامانا

هردم بیر تنگه ده آشیق آتاردیق
آپاریب چرچییه بوغدا ساتاردیق
کدخودا گلجه گین دوروب قاچاردیق
داها آزقالاردی توپلار باشلانا

آتالار بازاردا ساتاردی قویون
آرزویلا باشلاردی اوغلونون توپون
عاشیق تزه بگین اوخشاردی بوپون
شباش وئره ردیلر قوال چالانا

او کتدن بوکنده گلین گلهردی
کند اهلی شاد اولوب دشیب گولردی

محمد پهلوان ایشین بیلردی
گوره ردون سویونوب گپردء میدانا

قوپپوزلی آدیلا آلمیشدی شهرت
دولانیب شیشوردی آلاردی خلعت
باخیب فخر ائده ردی خانلا رعیت
پول بیغیب وئره ردی زیرنا چالانا

جوانلار آتینی بیئن چاپاردی
گلین آت اوستونده کنده چاتاردی
بک دامین اوستوندن آتما آتاردی
جلودار سالاردی آتین جولانا

گلین شینلیگینن آتدان دوشوردی
بگین یاندامیندا پیلو پیشوردی
قینانا پاپند انداز آچیب دوشه ردی
اوزهرلیک شوکردی اوت اوسته یانا

قیز گلین اویناییب چپیک چالاردی
بیئنگه لر گلینی ائوه سالاردی

گلین قئینانادان انعام آلاردی

ساخلاردی ءوزونه قالسین نیشانا

یاواش - یاواش پاییز جوتون سوره ردیک

قریلدن زویله نین باغین هوره ردیک

اگه ردیک بوغدانی خیرین گوهرردیک

اولمازدیق بوونچی دوستا ، دشمانا

گوهرردیک گلینلر بوغدا قئیریر

گول صنم خالاداتشی اییریر

بیر یاندا ککیلی توپوق سه بییریر

دییه ردیک بو توپوق دوپوبدی جانا

آلوترچی عمیده بیریوک چاتاردی

چولده جوتچولره یئمیش ساتاردی

رمضان بوغدا یا آرپا قاتاردی

کتیریب وئرهردی یئمیش ساتانا

چوبان زنگیلینی چکهردی دیزه

بایاردی سورونی داغلارا دوزه
 آیدا بیر گون نوبات گلهردی بیزه
 یانچی قوشولاردیق چولده چوبانا

گئدبه گئد پاییزین قورسو دوشه ردی
 چوبان سوپاندنیین باغین ائشه ردی
 بولاغین باشیندا قوردماج پیشهردی
 داشلاری سالاردی بیربیر تیانا

داغلاردا اسهردی قیشین سیلپانی
 گتیرهردیک کنده مالی ، حیوانی
 توکهردیک آخورا اوتی ، سامانی
 بیر پاندا گوره ردون مهلهپیردانا

آنام قیشدان ، قیشا توخوردی قالی
 بییه ردیک سحرلر باغینان بالی
 بوخیدی ائلیمین بیرجه زوالی
 تاپیلمازدی بیرکس دیلیمی دانا

اثنین دو وارینا آساردیق میلاق

دوغراییب حیوانا توکهردیک آلاق
 کرمه دن قوراردیق بیرینکه قلاق
 گتیریب تندیره توکهردیک یانا

تئیرلر یاناندا چیخاردیق داما
 کورهردیک قارینی قویمازدیق داما
 آنام بولامانی توکه ردی جاما
 داها باخمازدیق قاتیق ایرانا

قویاردیق تندیره قورما شوربایی
 چوغوندور بورانی تاهلی بوز باشی
 گاهدان کلاکنی هردن سوت آشی
 دوشهردی قویونلار دوغان ، دوغانا

ملا اوتاغینا سالاردی گبه
 دیبهردی اوشاغلار گلسین مکتبه
 چونکی دادانمیشدی قویدوغی دبه
 بئش تومن آلاردی قوران چیخانا

بیر گون دبدبه یله مکتب قوراردی

هردن آجیقلانیب بیزی ووراردی

بادامچانین بیتری زول - زول دوراردی

اوشاقلار قاچاردی اوپان - بوپانا

قاتدییب کتابین رفه دوزهردی

ساققالین داراییب اوزون بهزهردی

عباسین گوتوروب کندی گزهردی

اٹو قویوب قویمازدی بیرجه آستانا

اوخوردوق اوج آیی قورآن چرکه

هردمده باغلاردی بیزی فلکه

قویمازدی اوشاقلار بیر نفس چکه

قیشقیریپ باساردی خلقی یامانا

اما ئوز ایشینین بیله ردی قندین

موفده یاغ بالینی ییپهردی کندین

بیزده آپاراردیق چای ایله قندین

دمله ییب توکهردی بالا چایدانا

اٹلهکی بایراما اون گون قالاردی

گینه یاغلی دیلین ایشه سالاردی
 هردن قیرخ تومن آیلیق آلاردی
 سئوینیبدییهردیک چیخدیق آغ یانا

آخیر یئتیشه ردی کوله چرشنبه
 اریشته پیلو وون قویاردیق دمه
 ئوکوزلری بوتون ائدهردیک لومه
 قوواردیق ائشیگه بیرآز دولانا

سس باساردی بوتون ائلی ، اوبانی
 بیغاردیق بیر بیتره مالی ، حیوانی
 یاخاردیق باشینا قیزیل جوشانی
 رسمیدی حیوانین آلنی بویانا

بیغیلیب تنگه ده موزدار توتاردیق
 دییه ردیک قیش گونون داها قوتاردیق
 ایگید قوروقچونون سوزون اوتاردیق
 چوللرده وئرسیدی بیزی یامانا

قونشو ، قونشو سیله سوت دگیشهردی

آخیر چرشنبه ده سوددی - آش پیشهردی
 قیز گلین هیس آلیب ائوی دوشهردی
 گورهردین جنجیمی سالیر ایوانا

کوسو باغلایانین گویلون آلاردیق
 آلیشیق گتیریب تونقال قالاردیق
 کوهنه سوهورگهنی اوتا سالاردیق
 تولاییب آتاردیق گئتسین ایوانا

دامی جیزدیقلاییب نیشان قویاردیق
 بوتون دردی غمی ائودن قوواردیق
 چرشنبه سوتلی آش ایچیپ دوپاردیق
 افتخار ائدهردیک رسمی قویانا

جوانلار باجادان قورشاق سالاردی
 گورهردین هر ائودن انعام آلاردی
 دام اوسته سئوینیب چهد چالاردی
 چوخو قیز وئرهردی قورشاق سالانا

قیزلاردا سالاردیباشینا شالین

یوخلاردی ئوزگه دن شانسین اقبالین
 گورهردی ائویه سی چالیر قوالین
 دییهردی . آز قالیب بختیم اویانا

سحر تئزدن دوروب گئده ردیک سویا
 هر کس بیر طرفده ال - اوزون یووا
 چوخلاری آتینی مینه ردی قووا
 بلکه ده یئتیشسین سولار دورانا

هر کس گتیرهردی ئوکوزون ، کلین
 چرییب یوواردی ایاغین ، الین
 بولاغین باشیندا گوزه ل قیز کلین
 داراییب تئلترین سالاردی یانا

اریدیب کرهنی بیییه ردیک تورتا
 سوغاننان بوپاردیق نهچه یومورتا
 آپاریب ساتاردیق بیر پناباتا
 گئدیپ اوتوزاردیق آشیق آتانا

قیزیل تورپاغینان سوواردیق دامی

چونکی یئتیشردی نوروز بایرای
 تزه لباسلارین گبییه ردی هامی
 قوشولوب گئده ردیک قهرستانا

چیخاردیق مسجدن گئدهک گورو شه
 گوره ردیک ئوکوز لر چیخیب دویوشه
 چوباندا سوروسون چکیر تولوشه
 چالیر نییین سسی دوشور هرپانا

گوره ردین ائولرده اوجاقلار بانیر
 توستی بوروق - بوروق گوپه اوزانیر
 آق سقل کیشی لر کندی دولانیر
 بایراملیق پیغیر لار میرزه شابانا

قافلانتی یم رسمین دئدیم ائلیمین
 تاریخلرین بویی آنا دلیمین
 گوزهل چار اویماقدا گئچن ایلیمین
 حسرتدن اوره گیم دونوبدور قانا
 بو غربت ئولکه ده گلیمشم جانا

جمعیت نویسندگان آذربایجان نخستین جلد از سری کتابهای
" مجموعه " را تقدیم خوانندگان می کند. در مجلدات بعدی آن
نیز آثار شاعران معاصر که در دوره‌ی اختناق قادر به رساندن اشعار
خود به دست مردم نبودند ، درج خواهد شد ، جمعیت خوشحال
خواهد بود که اگر شاعران آذری آثار خود را جهت نشر در اختیار
ما بگذارند .

نشر شبتاب

آدرس مکاتبه . تبریز ، انتشارات آذر

قیمت . ۸۰۰ ریال